

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
BROJ: 65 0 St 1158453 25 St
Sarajevo, 14.04.2025.godine

Općinski sud u Sarajevu, i to stečajni sudija Nebojša Joksimović, rješavajući po prijedlogu za otvaranje stečajnog postupka nad privrednim subjektom I-MEDIA GROUP d.o.o. Sarajevo, ul. Topal Osman Paše broj 18, Sarajevo, koga zastupa zakonski zastupnik Elmir Kovač, donio je dana 14.04.2025. godine, slijedeće:

RJEŠENJE

Pokreće se prethodni postupak za utvrđivanje da li postoje uslovi za otvaranje stečajnog postupka nad privrednim subjektom „I-MEDIA GROUP“ d.o.o. Sarajevo, ul. Topal Osman Paše broj 18, Sarajevo.

Za privremenog stečajnog upravnika imenuje se mr.sc. HODŽIĆ EMIR iz Sarajeva.

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 63. Zakona o stečaju, a naročito:

- obezbijediti imovinu dužnika i starati se o istoj,
- ima ovlašćenja da uđe u poslovne prostorije dužnika i provede neophodne radnje,
- utvrditi da li postoje razlozi i uslovi za otvaranje i vođenje stečajnog postupka,
- utvrditi imovinu stečajnog dužnika odnosno šta čini stečajnu masu,
- ispitati da li će imovina stečajnog dužnika pokriti troškove stečajnog postupka,
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka i uraditi kontrolu poslovanja stečajnog dužnika,
- kada je podnosilac prijedloga za otvaranje stečajnog postupka stečajni dužnik, dostaviti izjašnjenje da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.

Privremeni stečajni upravnik je dužan podnijeti izvještaj u roku od 30 dana od dana imenovanja u kojem će izvjestiti o poduzetim radnjama i iznijeti svoje stručno mišljenje o zatečenom stanju.

Mjere pojedinačnog prinudnog izvršenja pokrenute protiv stečajnog dužnika privremeno se obustavljaju. Izlučna i razlučna prava povjerioci ne mogu ostvarivati u prethodnom postupku.

Pozivaju se povjerioci da predlože mjere osiguranja nad predmetima i imovinom stečajnog dužnika.

Ovo rješenje će biti istaknuto na oglasnoj tabli ovog suda sa danom donošenja.

Rješenje se ima dostaviti Registru Općinskog suda Sarajevo radi upisa zabilježbe prethodnog postupka u matičnom registarskom broju subjekta upisa broj 65-01-0185-10.

Obrazloženje

Dana 11.03.2025. godine, ovome sudu podnijet je prijedlog za pokretanje stečajnog postupka nad imovinom I-MEDIA GROUP d.o.o. Sarajevo, ul. Topal Osman Paše broj 18, Sarajevo.

U prijedlogu je navedeno da je razlog pokretanja stečajnog postupka nad firmom I-MEDIA GROUP d.o.o. Sarajevo, platežna nesposobnost, zbog čega je predlagatelj predložio provođenje stečajnog postupka nad navedenom firmom.

Dalje se u prijedlogu navodi da je firma "I-MEDIA GROUP" d.o.o. Sarajevo, radila uspješno sve do 2019. godine kada je u suštini prestalo poslovati zbog neostvarivanja poslovnih prihoda iz registrovane djelatnosti – oblasti izrade i upravljanja bazama podataka zbog izratito smanjenog obima poslovnih aktivnosti privredno društvo ne ostvaruje prihode od marta 2019. godine. Navedeno je da društvo nema izgleda za ooporovaka u poslovnom simislu ni u narednom periodu a iz razloga jer se trend ostvarenja gubitka konstantno povećava. Takođe je navedeno da je na kraju 2018. fiskalne godine, ostvaren gubitak do visine kapitala od 2.000,00 KM i to gubitak od redovne djelatnosti u kumulativnom iznosu od 250.000,00 KM, a da je realni akumulirani gubitak sa 31.12.2024. godine iznosi 300.000,00 KM, jer je osnivački kapital privrednog društva 2.000,00 KM. Navedeno je da se iz strukture gubitka jasno vidi da privredno društvo nerentabilno posuje i da nije u mogućnosti pokriti ni redovne rashide a pogotovo rashode oličene u rashodima redovnog postolanja društva. Navedeno je da društvo nij e u mogućnosti izmirivati nagomilane prispjele i od povjerilaca potraživane obaveze od 02.12.20219. godine, te od tada imaju potraživanja od strane povjerilaca. Račun društva kod ATOS BANKA d.d. Banja Luka je bokiran , te da je glavni uzrok takvog stanja privrednog društva neostvarnje poslovnih prihoda iz registrovane djelatnosti , društvo nerentabilno posluje i ne ostvaruje prihode iz registrovane djelatnosti te da je zbog svega navedenog poslovno neaktivno.

Na ročištu održanom dana 28.03.2025. godine radi saslušanja stečajnog dužnika, zakonski zastupnik stečajnog dužnika Elmir Kovač je uglavnom ponovio navode iz prijedloga za pokretanje stečajnog postupka.

Našavši da se u konkretnom slučaju radi o dopuštenom prijedlogu, a radi utvrđenja da li postoji stečajni razlog i da li postoje svi uslovi za otvaranje stečajnog postupka, te imajući u vidu činjenicu da je stečajni dužnik uplatio predujam za pokriće troškova prethodnog postupka, sud je donio odluku kao u izreci, primjenom člana 61. Zakona o stečaju.

STEČAJNI SUDIJA

Nebojša Joksimović

POUKA: Protiv ovog rješenja žalba nije dozvoljena.